

Meeqqap inuuneranik allannguigit! - Oqilisaassisartussatut paarsisartussatulluunniit soqutiginnippit?

Kommune Kujalleq ilaqutariinnik paarsisartunik nalinginnaasunik, oqilisaassisartunik kiisalu nukinginnartumik tigusisartunik pissarsiorpoq. Kommune ilaqutariinnik paarsisartunik Nanortalimmi, Narsami kiisalu Qaqortumi amigaateqarpoq.

**Oqilisaassisartuujumagussi paarsisartuujumagussiluunniit pingaaruteqarpoq:**

- Inissaateqarlusilu, piffissaqarlusilu nukissaqarnissarsi.
- Meeqqanik inuusuttunillu sullissinermik misilittagaqassasusi.
- Meeraq aalaakaasunik toqqissisimanartunillu avatangiiseqartissinnaassagit ineriartorneranilu tapersorsinnaassagit.
- Meeqqap angajoqqaavinik kiisalu pisortanit oqartussanik suleqateqarsinnaassasusi.
- Peqqissuussusi.
- Pinerlussimannginnermut uppersarsaateqartusi meeqqanillu pinerliisimannginnermut uppersarsaateqartusi.
- Aalajangertigasi suut isumaliutigisariaqarsi.

Paarsisartuuneq / oqilisaassisartuuneq ilaqutariit tamarmiullutik akuuffigisarpaat. Ilaqutariittut paarsisartutut ukioq kaajallallugu ulloq unnuarlu piareersimasariaqarpusi.

Ilaqutariittut inuunersi, ulluinnasi, sapaatit akunnerinik naanersiortarnisi feeriartarnisilu allanngussapput, qitornarsiallu amerlatisuutigut inersimanut pitsaasumik attaveqartarsimannginnamik ullormut akunnerpassuarni pisariaqartittassavaasi.

Meeraq nutaaq ilaqutariinnut ilanngutissaaq, ulluinnassinnut qitornasilu inuunerinut sunniuteqalerluni.

Meeraq sunik ajornartorsiuteqarsinnaava?

Meeraq piffissami killilimmi ilaqutariinnissaaq, sivikissinnaavoq sivisusinnaalluniluunniit

Meeqqap iluaqutissaanik meeqqap angajoqqaavinik suleqateqarsinnaassaasi

**Qanoq ilaqutariittut paarsisartunngortoqartarpa?**

- Paasissutissanik immersugassamik immersuissaasi
- Ilissinnut tunngasunik, peqqissusissinnut, pinerlussimannginnissinnut meeqqanullu innarliisimannginnissinnut paasissutissanik pissarsiniartoqarnissaanut akuersissuteqassaasi paarsisartunngornissamullu akuersissummik qinnuteqassallusi
- Ilaqutariinnut paarsisartunut siunnersortimit pularneqassaasi, taassumalu assigiinngitsunik apersussavaasi akuerineqarsinnaanersusilu naliliivigissallugu

**Meeraq paarsassaq nuutsinnagu qanoq pisoqassava?**

Kommunimit inissiisuusumit sulisoq ilissinnut pulaassaaq, taavalu meeraq pisullu qanoq ittuuneranik ilisimatillusi. Suliassarsi pillugu sunik piumasaqarfigineqarnissinnik ilisimatinneqassaasi

- Alloriarnermi tullermi meeqqap angajoqqaavisalu pulaassavaasi

**Ilaqutariittut paarsisartutut isumaqatigiissut**

Meeqqamik paarsaqalerussi ilaqutariittut paarsisartutut isumaqatigiissusiortoqassaaq isumaqatigiissutinik makkuninnga imaqartumik:

- paarsinersiutit amerlassusii
- immikkut aningaasartuutaajunnartut
- isumaqatigiissummik atorunnaarsitsinermut malittarisassat
- angajoqqaanik suleqarneq
- nakkutilliineq ilitersuinerlu

**Meeraq paarisassaq nutserpat qanoq pisoqassava?**

- amerlasuutigut, tamatiguunngitsorli, meeraq aallaqqaammut ilissinnut tikeraartuinnartut misigeqqaassaaq, qaammatillu 3-4 ingerlareersinnagit ilissi meeqqalluunniit paarsap ullunnaat nalinginnaasutut isigilernaviangilai.

- qitornassi meeraq alla ilisarimalerniartariaqassavaat, ulluinnaallu allanngornerat sungiunniartariaqassallugu

#### **Paarsaqarnermi suut ajornartorsiutaasinnaappat?**

- meeraq paarsaq qitornasilu sinngagiittarsinnaapput
- Imminut amigarisutut misigisinnaavusi
- Ilaquttat, ikinngutit sanililluunniit ilimaginngisaraluamik qisuariarnerat nalaattarsinnaavarsi
- meeqqap angajoqqaavi paarsaqarnerup nalaani angajoqqaatut suli oqartussaassuseqassammata assersuutigalugu meeraq killortissappat allatulluunniit pissappat akuerseqqaartassapput , meeqqamullu paarsamut pitsaaneruserisassinnik tamatigut iliortarnaviaratik.
- meeqqap paarsap misigissutsini ilissinnut ersersissallugit ajornartorsiutigisinnaavai
- meeraq paarsaq ilissinnut, atuarfimmu, allanullu sungiussiuminaatsitsisinnaavoq.
- ”pisortani ilaqaaneq” pissutigalugu suliffeqarfimmi suleqatit inissiineq pillugu ilissinnit allaasunik isummersorsinnaapput

#### **Inissiinerup ingerlanerani ilaqtariinnut paarsisartunut kikkut tapersersuisuusarpat?**

- Isumaginnittoqarfimmi sulisunit akuttunngitsumik pulaarneqartassaasi meeqqamut paarsamut nakkutilliisuusunik.
- Ilaqtariittut paarsisartutut ingerlaavartumik ilitsersorneqartarlusilu, tapersersorneqartarlusilu oqaloqatigalusi oqilisaanneqartassaasi. Pisariaqartitsigussi isumaginnittoqarfimmi attaveqaatissinnut tamatigut saaffigissinnaavusi.

#### **Paarsaqarneq qanoq unitsinneqartarpa?**

Paarsaqarnerup unitsinneqarnera assigiinngitsunik pisinnaavoq, assigiinngitsunillu pissuteqarsinnaalluni:

- inissiinermut tunngavisoq atuukkunnaarpat
- angajoqqaat qitornartik angerlarsikkumappassuk
- Paarsiunnaarumallusi aalajangerussi
- paarsinerup unitsinneqarnissaanik kommune aalajangerpat
- meeraq allatut ittumik sullittariaqarpat
- meeraq paarsaq nuukkumasinnaavoq

#### **Tamanna ilissinnut qanoq kinguneqassava?**

- meeraq paarsarsi ilissinnullu atallualersimasoq qanitarilersimasarsi inuulluaqqusussanngussavarsi
- paarsinersi immaqa isummassinnut uniuuttumik unitsinneqassaaq
- meeraq paarisimasarsi attavigiunnaartariaqarsinnaavarsi